

RINOCERONTE

Rinocerontepa' nanac añcha'nochen. Rinoceron-
tepa' ama es muero, nanac atsrre'mñať. Nerra'
erra shontena pa'namen berročno nerra' ahuo'ch
entapet o' huapa rinocerontepa', amach ya'rrocheto,
čhach mecha'tuet allohuenet. Tarro'mar ama eñote-
ñeto erroťcha' pōsanet. Tarro'mar rinocerontepa'
machayofach ponmanet o'ch huocranet, o'ch muetsan
ñeñť e'ñe allame'tso'tsen ñesho. Ama't ama erroť
peñetopa' ñaña'pa' atťach muetsenamet e'ñe atťa.
Ñeñťo'maro'ña mecha'teñet allohuen berročno.

Ama ellañar enteno ñeñťo'maro'ña ateť pena.
Amo' nanac cohuen enteno, ñeñťo'maro'ña amach
erroťeno cheme'tenano ñeñť rročhtampenaya. Ama't
aña ent ñeñť es pelletsapa' ahuo'chčho' ponemya
o'ch huocreña'. Esempopa' año'ch huocra'yen
ta'te' ñaña tsach.

Esempopa' ama't elefantepa' ñeñťo'ch muenen
ahuo'ch huocre'. Ama eñoteñe nerrá' elefante
atsrre'matpa' ñapa' año'ch huocre' pa'so, čhach
motsan rinoceronte. Tarraña elefantepa' eñoteño'
ateť pena rinoceronte, ñeñťo'maro'ña nerra' enta-
pan rinocerontepa' ahuo'ch auyes a'yeneť.
Tarro'mar elefantepa' ama atsrre'mñaťeyaye.

JIRAFa

Jirafa nanac allpocha'p pa'chnop̄. Añcha'no-
chen mame'. Pa'tacpa' ama e'ñe at̄ecmo.
Poque'pa' atarr, țarraña pa'tacpa' ama tama ata-
rroyaye. Jirafapa' rrenan aspanačhno. Ñeñt̄
puerrar pen ña. Ama yeñoteñe arrapo'te' po'chets.
Pue'chpa' tsama't̄ tsetena huallama't̄ ñeñto'mar
orrtena huampre'.

Pa'chnop̄pa' nanaco' allpocha'p̄, ñeñto'mar
ñerra' orran oñpa' nanaccha' mueročhtena. Ñerra'
o'ch muenan orran oñpa', ñanompa' ahuo'ch concor-
patse'ta at̄och chapatan poñ oño. Allempo ateť
pena ñerra' huapoña ma'yarrpa' amach erroťeno
mato, țarro'mar amach tanterrapa' ma'yarrñapa'
o'ch rromue'.

Ñeñto'mar ñerra' esempo orrenet oñpa', čhach
cohuampsannenet. Ñanompa' puesheñarrcha' orre'
oñ ñanom, alloťpa' o'ch orr po'poñ. Ñeñt̄ña orruats
ñanompa' ñach cohuamperrahuet. At̄o'ch pena
jirafa allempo orrenet oñ, čho'ch cohuampsannenet.

Ñerra' ñeñt̄ cohuampenahuet ahuo'ch entapan
ma'yarrpa' o'ch otan pamo'tsesha' o' huapa' ma'-
yarr, allempoñapa' o'ch matr̄ra'tet. Jirafapa'
nanaco' ellařar entena.

Ñeñto'mar ñerra' chope'chenet all ama es chopuetsopa' o'ch anenet camello, Tarro'mar ñapa' ahuantenan po'ñpañ ñaña pa'chporrña. Pa'to camello' echenan ateñ ñerra'mrra'fe' bolsa all año'tenan po'ñer. Pa'che'ño'pa' echenan ñaña all año'tenan po'se'.

Pa'fe'tets camello'pa' echenan epa pa'che'ñ, po'-poñechnopa' e'ñech pa'rra. Camello'pa' ahuantenan ñaña po'rrerrña. Ñerra' cho' mōrrarespa' ahuo'ch mopan pomallant atfoch ama esho'to mueñ pomallanto. Ahuo'chña metua mōrrpa' allempoñapa' o'ch o'rre-rra alla.

Camello'pa' sherben nanac. Taruasateñet ñaña chechatyeñet eñrrochno. Camello'pa' anenan 270 kilos de carga. Ñerra' o'ch cargamochetpa' ahuo'ch concorpa atfoch noñet carga pa'che'ño. Tarro'mar camello'pa' nanac atarr. Ama't nanac ataruasañpa' Tarraña amo' es eñoto. Tarro'mar rrenan pa'namen aspanachno, ama eñoteñe ñato' ñeñt aspanpa' cohueñe' o'ch rre', ñato' amapa' veneno'te'.

Po'chets camello'pa' arrapo', pomospa'cho'ña orrpapo'. Pue'cho'pa' yeñcatenet shetamuets. Pa'namenacpo' sherben pue'ch camello.